

ELECCIONS ENTATH PARLAMENT DE CATALONHA 2010

OFICINA DETH CENS ELECTORAU

SOL·LICITUD DE VÒT PER CORRÈU D'ELECTORS TEMPORAUMENTS EN ESTRANGÈR, HUELHA AUXILIARA

Er imprès qu'acompanhe aguesta huelha auxiliara ei eth modèl de sol·licitud qu'er elector a d'aumplir entà demanar ena Delegacion dera Oficina deth Cens Electoralu corresponenta era documentacio entà exercir eth sòn dret de sufragi per corrèu dempús der estrangèr enes eleccions qu'auràn lòc eth pròpleu 28 de noveme de 2010.

QUI PÒT UTILIZAR ETH PROCEDIMENT DE VOTACION ENTÀS ELECTORS QUE SE TRÒBEN TEMPORAUMENTS EN ESTRANGÈR?

Poderàn votar mejançant aquest procediment es electors que se tròben temporauments dehòra deth territòri estatau un còp amada era convocatòria des eleccions e que preveiguen que demoraràn en aguesta situacion enquiath dia dera votacion e que, ath delà, figuren inscrit en Registre de Matricula Consular coma non residents.

Ua còp hèta era sol·licitud deth vòt per corrèu, non se pòt votar personaument.

PROCEDIMENT DE VOTACION

SOL·LICITUD

Er imprès dera sol·licitud pòt recuelher-se enes burèus consulars de carrèra o seccions consulars d'embaishada, o descargar-se telematicaments en web electoralu www.parlament2010.cat.

Era sol·licitud la cau adreçar en ara Delegacion deth Burèu deth Cens Electoralu dera província a on er elector/a figure inscrit/a en cens electoralu.

LÒC DE PRESENTACION

Era sol·licitud ramplida e signada la **cau liurar personaument en Burèu Consular de Carrèra o Seccion Consular d'Embaishada**. Eth/a foncionari/ària consular/a exigirà ar elector/ara exhibicion deth document nacionau d'identitat o passapòrt e verificarà era sua inscripcion en Registre de Matricula Consulara coma non resident, atau coma era coïncidència dera signatura.

Eth Burèu Consular de Carrèra o Seccion Consulara d'Embaishada remeterà era sol·licitud de manèra immediata tara Delegacion Provinciau deth Burèu deth Cens Electoralu corresponent.

PLAÇ ENTÀ SOL·LICITAR ETH VÒT PER CORRÈU

Se pòt sol·licitar a compdar dera data de convocatòria e **enquiath 30 d'octobre de 2010**.

Maugrat açò, se recomane formular era peticion çò mès lèu possible.

TRAMETUDA DERA DOCUMENTACION ENTATH VÒT PER CÒRREU

Era Delegacion Provinciau deth Burèu deth Cens Electoralu corresponenta iniciarà era remetuda dera documentacion electoralu eth 2 de noveme de 2010. Era remetuda se harà en domicili en estrangèr indicat ena sol·licitud e a nòm dera persona sol·licitanta.

Eth justificant de recepcion acreditatiu d'auer rebut era documentacion nomentada l'a de signar personaument era persona sol·licitanta despús d'acreditar era sua identitat.

TÈRME ENTARA REMETUDA DETH VÒT PER CORRÈU

Auetz de reméter eth vòt per corrèu certificat **non mès tard deth 24 de noveme de 2010**.